

親征平定朔漠方略

二六

親征平定朔漠方略卷之四十

閏三月辛巳朔。

遣使

勅訊第巴。先是第巴遣使尼麻唐庫圖克圖卓爾磨隆堪布具疏密奏云。爲衆生不幸。第五世達賴喇嘛於壬戌年身故事。自

聖主車書一統。癸巳年赴京。講信修睦以來。此地法

門最大者。達賴喇嘛也。世間最大者。

昊天日月大施主也。百凡情事。非不有心陳奏。而奉
太卜大護法巴賴奔柰冲之語。但召近侍之
人。如達賴汗達賴巴圖爾等告之。自此以外。
各於親近。直至今年不得告語。雖有心陳奏
此情。但奉達賴喇嘛之旨。及護法柰冲之言。
甚爲嚴切。是以未能陳奏。伏祈

睿鑒第六世轉生靜體。因有避忌。尙未放參。俟至
其年月日時。奏聞。

昊天至尊大施主後。再諭衆聞知。爲此遣尼麻唐庫
圖克圖。卓爾磨隆堪布等。前往密奏。伏祈

睿鑒。屢頒訓諭。茲具伴疏禮儀。欲

昊天大施主便於供養。以其停骸牀簀之鹽。拌和塑
成達賴喇嘛遺像。謹以上獻。尼麻唐庫圖克

圖等口奏云。老達賴喇嘛。成年已故。小達賴喇嘛生。今年十五。本地仗達賴喇嘛以存。達賴喇嘛身故之時。卽欲奏

聞。恐生他變。且有喇嘛遺言。及巴賴奔柰冲之言。必至相合。年歲始聞之。

天朝皇帝。及衆施主。故於今年十月二十五日。方出定放。第巴爲此。遣我等行時。令於佛前立

誓必親見

皇上密奏。若於他處。俱令以達賴喇嘛出定相告。未嘗明悉其故。

上隨將彼奏章。及所獻達賴喇嘛之像。於原封之外。面同伊等加封。押以鈐記。而

諭之云。朕數年來。久知達賴喇嘛已故。若達賴喇嘛尙存。則僧巴秦布庫圖克圖噶爾丹西勒圖

齊七克達賴堪布濟隆庫圖克圖等斷不如此
妄行。喀爾喀厄魯特亦不致破壞。故朕降旨切
責之。今第巴輸誠吐實。密以奏朕。朕亦爲之密
藏。將俟十月初旬啟封。宣示內外。四十九旗喀
爾喀諸部落。令爲已故達賴喇嘛誦經致賙。爲
小達賴喇嘛遣使稱賀。乃撰

勅遣主事保任等。在

諭第巴於二十九日。清晨遣行。至是司務英沾。自策旺喇卜灘使歸。奏云。臣接部發策旺喇卜灘咨文。賁至策旺喇卜灘所。策旺喇卜灘大喜。卽遵

旨領兵來勦噶爾丹。行至薩克薩忒呼里克二十日程之地。有達賴喇嘛使人達爾漢厄木齊言達賴喇嘛身故。已十有六年矣。小達賴喇

嘛方十五歲。爾等當各居其地。不得興兵。遂按兵而退。臣英沽知其不能復行。亦還。達賴喇嘛之事。西北諸人皆已聞之。是日。副都統阿南達奏至。疏稱噶爾旦多爾濟遣人來告云。達賴喇嘛之善巴陵堪布。於三月二十五日。致我一扎。令我赴彼盟會。我以向不與彼盟會。是以不往。謹以其書呈覽。視其書。乃唐

古特文其詞云。達賴喇嘛第巴兩人遣人諭
青海諸首領。俱於正月二十八日。在察罕托
落海地方會盟。繕修器械。爾可令爾屬下人
亦繕修器械。於來月初四五間。晝夜兼行。務
期必到期會之地。疏至。

上命將善巴陵堪布致書之意。下議政諸臣集議。議

曰。達賴喇嘛遣使尼麻唐庫圖克圖等請

安。密陳機務。第巴復遵

諭陳言。情詞恭順。是以

皇上特沛溫綸。遣我使與尼麻唐庫圖克圖偕往。今
以善巴陵堪布致書噶爾旦多爾濟觀之。則
與達賴喇嘛所奏本意不符。無故會青海諸
台吉繕修器械。又約從來未與盟會之噶爾
旦多爾濟。其意叵測。且策旺喇卜灘親領兵

往勦噶爾丹之時。第巴曾遣人撤回。以此觀
之。第巴仍黨噶爾丹而誑我。其跡顯然。噶爾
丹者。窮寇殘寇。必當撲滅之者也。凡俘獲者
論功。助彼者卽吾敵也。恐第巴以彼所居遼
遠。謂我不知其詭計。應令所司詳列此情。追
發尼麻唐庫圖克圖等。併檄主事保住等。將
此情由。詢明第巴來奏。議上。

上從之。

壬午。

厄魯特津巴車爾貝來降。副都統阿南達疏至。言三月初五日。臣遣家人尼楚滾渣木素往哈密偵探。語之曰。聞噶爾丹之津巴車爾貝來。來則擒而致之。十七日。尼楚滾歸告曰。我等於初九日。至哈密以內昭呼都克地方。

遇前所遣駐劄哈密之家人海喇圖解送津
巴車爾貝一同前來。問津巴車爾貝答曰。噶
爾丹謂我受

中華皇帝勅書。以爲叛彼。曾被拘執。正月初一日。彼
遣十五人。躡覓塞卜騰巴兒珠爾。以我授之。
帶至瀚海。止給馬一匹。棄之而去。我於是步
行。向哈密而來。我來時。噶爾丹仍在格格式

哈郎古忒地方。兵不過五六百名。馬駝之外。
竝無牛羊。又曾遣人名哈世者。往探洪郭羅
人等情形。尙未歸來。噶爾丹口中。但云俟格
壘而已。前者噶爾丹與我閒談。言

中華皇帝。若堅

諭格壘。仍前修好。查還失散之人。我等猶可苟延。
如不招降。無甚修葺之

旨。必不能棲於此地矣。蓋其勢似必向洪郭羅伊
濟根等處而去。此兩處未知焉往。殆俟往洪
郭羅之使哈世歸時乃定也。臣思噶爾丹之
兵不過五六百。所乘馬駝外。竝無他畜。正急
遽擾亂。不知所爲之際。我

皇上睿謨周至。曾

諭臣相機進兵。臣料其斷不能出

皇上廟謨之外。不勝欣躍。臣現駐劄布隆吉爾地方。

請俟孫思克博濟兵到後。卽竭力進征。以圖

報効。爲此驛解津巴車爾貝前去。謹此奏

聞。

上命示議政大臣。著以津巴車爾貝交吳達禪喇錫。
訊明來奏。

厄魯特台吉滾布察罕來降。理藩院奏曰。據